

Ugovorne strane:

JU „Kantonalni centar za socijalni rad“, ul. Gatačka 80 , 71000 Sarajevo, koju zastupa
Mr.sc. Samir Suljagić, direktor (u daljem tekstu: Investitor)

ID broj: 4200115210002

Telefon: 033/ 723-640

Fax: 033/ 723-641

e-mail: info@kcsr.ba

2. „Vindi-Tip“ d.o.o. Sarajevo, ul. Uglješe Uzelca br. 155, koju zastupa Direktor

Andrečenko Darko

(u daljem tekstu: Nadzorni organ)

ID broj: 4200022630001

PDV broj: 200022630001

Telefon: 033/638-486

Fax: 033/638-486

E-mail : vinditip@yahoo.com

zaključuju sljedeći:

U G O V O R

**o vršenju inženjerskog nadzora nad izvođenjem radova na sanaciji krovne konstrukcije
u Službama socijalne zaštite općine JU „Kantonalni centar za socijalni rad“**

Član 1.

Predmet ovog ugovora su usluge vršenja inženjerskog nadzora nad izvođenjem radova na sanaciji krovne konstrukcije u tri Službe socijalne zaštite općine JU „Kantonalni centar za socijalni rad“ , a prema obostrano prihvaćenoj ponudi Nadzornog organa od 17.12.2019.godine, koja je u prilogu ovog Ugovora i čini njegov sastavni dio.

Obaveza osiguranja nadzora iz prethodnog stava posebno je usmjerena na način izvođenja radova, kontrolu kvalitete ugrađenih materijala i dinamiku izvođenja radova, te usklađivanje i koordinaciju između Investitora i Izvođača radova.

Član 2.

Nadzorni organ se obavezuje da za račun Investitora vrši inženjerski nadzor nad izvođenjem radova iz člana 1. ovog ugovora za tri objekta Službi socijalne zaštite općina JU „Kantonalni centar za socijalni rad, i to: objekat Službe socijalne zaštite općine Ilijaš, ul. Ivana Franje Jukića do br. 6, Ilijaš; objekat Službe socijalne zaštite općine Vogošća, ul. Omladinska br. 41, Vogošća i objekat Službe socijalne zaštite općine Hadžići, ul. Hadželi do br. 185, Hadžići.

Nadzor iz prethodnog stava obuhvata:

- Stručno tehničke poslove u vezi uvođenja Izvođača radova u posao i potpisivanje zapisnika o uvođenju Izvođača u posao (Nadzorni organ mora potpisati tri pojedinačna Zapisnika o uvođenju izvođača u posao, za svaki objekat odvojeno sa tri različita izvođača);
- Kontrolu izvođenja svih radova na ograđivanju objekta, prema prihvaćenoj ponudi Izvođača radova i pružanje potrebnih objašnjenja i uputa u pogledu tumačenja projektne dokumentacije;
- Kontrolu kvaliteta materijala, opreme i svih izvedenih radova u odnosu na odobrenu tehničku specifikaciju, važeće propise, standarde, tehničke normative, pravila struke i opis radova iz usvojene ponude Izvođača. (**Ponuda izvođača Sela d.o.o. za LOT 1 – objekat**

Službe socijalne zaštite općine Ilijaš, broj ponude: 119-1204-1/P od 04.12.2019.godine; Ponuda izvođača Kristal d.o.o. Živinice za LOT 2 – objekat Službe socijalne zaštite općine Vogošća, broj ponude: 4-12/19 od 03.12.2019.godine; Ponuda izvođača Galbols d.o.o. Sarajevo za LOT 3 – objekat Službe socijalne zaštite općine Hadžići, broj ponude: 116/19 od 03.12.2019.godine).

- Praćenje ugovorene dinamike izvođenja radova;
- Kontrola i ovjera gradilišne dokumentacije (građevinski dnevnik i građevinska knjiga potrebno voditi odvojeno za svaki objekat);
- Kontrola i ovjera privremenih, obračunskih i okončane situacije za izvedene radove (odvojeno za svaki objekat);
- Učešće u izradi konačnog obračuna izvedenih radova;
- Davanje svih potrebnih objašnjenja Izvođaču radova u pogledu dokumentacije, tehničkih uslova, načina izvršavanja ugovorenog posla i eventualne izmjene u ugradnji predviđenog materijala;
- Izdavanje naloga, uz prethodnu pismenu saglasnost Investitora, za eventualna odstupanja od od dogovorenih radova ukoliko su ista prema njegovoj ocjeni potrebna;
- Stručnu ocjenu da li urađeni radovi i stanje na terenu odgovaraju radovima iz usvojenih ponuda Izvođača, koju će uraditi prije konačne primopredaje radova (Stručna ocjena mora biti odvojeno za svaki objekat);
- Prisustvovanje primopredaji radova za svaki objekat između predstavnika Investitora i Izvođača radova;

Član 3.

Realizacija poslova iz člana 2. ovog Ugovora počinje teći od dana uvođenja Izvođača radova u posao i traje do primopredaje završenih radova i konačnog obračuna.

Član 4.

Cijena usluga iz člana 2. ovog ugovora iznosi **3.115, 00 KM bez PDV-a**, odnosno sa obračunatim PDV-om iznosi **3.644,55 KM**.

Cijenu iz prethodnog stava Investitor će platiti u roku od 15 dana po primopredaji radova i ispostavljanju uredne fakture.

Član 5.

U slučaju da Nadzorni organ propusti vršiti poslove utvrđene članom 2. stav 2. ovog ugovora, Investitor ima pravo raskinuti ovaj ugovor bez otkaznog roka i tražiti naknadu štete od Nadzornog organa.


Član 6.

Sve eventualne sporove u vezi izvršenja ovog ugovora, ugovorne strane su saglasne da će rješavati sporazumno, a u slučaju spora nadležan je sud u Sarajevu.

Ovaj Ugovor je sačinjen u 4 (četiri) jednaka primjerka od kojih Investitor zadržava 2 (dva), a Nadzorni organ zadržava 2 (dva) primjerka.

INVESTITOR:

DIREKTOR


Mr.sc. Samir Suljagić

Broj: 35/X-02-404-2139.3/19
Sarajevo, 23.12.2019.godine

NADZORNI ORGAN:

DIREKTOR


Andrečenko Darko

Broj: 1587/19
Mjesto i datum: 23.12.2019.